

**II. ATALA**  
**BIZKAIKO LURRALDE HISTORIKOKO TOKI ADMINISTRAZIOA****Igorreko Udala****Gizarte Ongizate Arloaren diru-laguntzak emateko 2020ko deialdia**

Igorreko Udaleko Gizarte Ongizate Arloaren diru-laguntzak lehiaketako araubidearen arabera emateko Oinarri arautzaileak deialdi honekin batera argitaratu dira.

**Lehenengoa. — Helburua**

Deialdi honen helburu nagusia bazterkeria egoeran edo bertan egoteko arriskuan dauden taldeetan aurrea hartu, arreta eman, sustatu eta gizarteratzeko Elkarteen antolaketan dituzten gastuak ordaintzeko erabiltzen diren gizarte intereseko ekimen eta jarduerak diruz laguntzea da. Era berean, diruz lagundu nahi dira azterlan eta ikerketak, herriarren artean hedatu eta kontzientziazteko proiektuak, eta gizarte eta osasun egoera larrian dauden atzerriko umeak aldi baterako hartzeko proiektuak ere.

**Bigarrena. — Erakunde hartzaileak**

Onuradunak izango dira aurreko atalean azaldutako jarduera sustatzen edo egiten duten pertsona fisiko edo juridikoak, nortasun juridikorik ez dutenak barne (Elkarteen kasuan bertako burua izango da), gizarte jarduerak egiten badituzte edo horrelakorik garatu nahi badute, oinarri hauetako 5. artikuluan ezarritako irizpideen arabera udalerriarentzat interesgarria bada, Igorre/Igorreko udalak burututakoak osatzeko.

Onuradunak izango dira aurreko atalean azaldutako jarduera sustatzen edo egiten duten pertsona fisiko edo juridikoak.

Honakoak izan beharko dira:

- Irabazteko asmorik gabeko Erakunde edo Elkarteen izatea, legez eraberrita eta Eusko Jaurlaritzako Elkarteen Erregistroan izena emanda izatea, egoitza Bizkaiko Lurralde Historikoan badute eta jarduerak Igorreko jendearentzat zuzenduta Udalerriaren egiten badituzte.

**Parte ez hartzeko debekuak**

Pertsona fisikoek eta juridikoek ezin dutela laguntzak edo diru-laguntzak emateko prozesu batean parte hartu eta onuradun izan baldin eta:

- a) Berdintasunerako eskubidea eta sexu-diskriminaziorik eza urratzeagatik zehapen irmoa izan badute administrazio-bidean, edo lan-arloan edo zigor-arloan.
- b) Beren helburuak, onarpen- edo sarbide-sistema, funtzionamendua, ibilbidea edo estatutuak emakumeen eta gizonen berdintasunaren printzipioaren aurkakoak badira.
- c) Emakumeen eta Gizonen Berdintasunerako 2005eko otsailaren 18ko 4/2005 Legearen III. tituluan, Emakumeen eta Gizonen Berdintasun Eragingarrirako 2007ko martxoaren 22ko 3/2007 Lege Organikoan edo foru-arau honetan ezarritako betebeharrak betetzen ez badituzte.

Halaber, ezingo dira diruz lagundu sexua dela eta diskriminatzen duten jarduerak edo ekintzak.

**Hirugarrena. — Eskabideak aurkezteko leku eta epea, eta eskabidearekin batera aurkeztu beharreko dokumentu eta informazioak**

- a) Eskabidea, udaleko alkate-udalburuari zuzenduta, udalaren sarrera erregistroan aurkeztuko da, edo Administrazio Prozedura Erkidearen araubide juridikoari buruzko 39/2015 Legearen 16. artikuluan ezarritako bideetako edozeinetatik. Horretarako hogoita (20) laneguneko epea izango da, deialdia argitaratzen denetik



aurrera zenbatuta. Eskabidearekin batera dokumentu hauek aurkeztu beharko dira:

- Eskabidea aurkezten duenaren NANaren fotokopia.
  - Erakundearen IFKren fotokopia, erakunde juridikoa bada.
  - Diru-laguntza eskatzea eragin duen jarduera edo gertakariaren proiektu xehatua. Horrek, gutxienez, proiektuaren azalpena bildu beharko du, baita zein bizilagun dituen xede eta zein helburu lortu nahi den.
  - Proiektua eta eskabidea euskaraz edo euskeraz eta gazteleraz aurkeztu beharko da.
  - Eskabidea aurkeztu aurreko urteko sarrera eta gastuen balantzea, eta berau egin den urteko aurrekontua, diru-laguntza eskatzea eragin duen jarduera edo proiektuari dagokionez.
  - Eskatzailea irabazteko asmorik gabeko elkarte edo fundazioa bada, dagokion erregistroan izena emateko ziurtagiria aurkeztu beharko du.
  - Ogasunak egindako agiria, zerga-betebeharren ordainketa egunean duela egiaztatzen duena. Zergak Igorreko Udalari soilik ordaindu behar dizkioten elkarteek eskabidean erantsiko dute horixe azaltzen duen berariazko aitortpena. Udalak berak ofizioz emango du aipatutako egiaztatzea.
  - Eskatzaileak, indarreko legediaren arabera Gizarte Segurantzarekin behar-tze-harremana badu, Gizarte Segurantzaren Diruzaintza Orokorrak egindako ziurtagiriaren bidez egiaztatu beharko du Gizarte Segurantzarekiko obligazio guztiak egunean dituela.
- b) Pertsona edo erakunde batek oraindik ere Udalak aurretiaz emandako diru-laguntzei buruzko egiaztatzea aurkeztu ez badu, ez da bere eskabidea kontuan hartuko.
- c) Aldi berean beste edozein organismo publiko nahiz pribatutan jarduera berbererako diru-laguntzaren eskabidea aurkeztu bada, Igorre/Igorreko udalean aurkezten den eskabideari erantsi beharko zaio hori azaltzen duen adierazpena. Bertan adierazi beharko da zein erakundetan aurkeztu den finantzatzeko eskabidea, zenbat diru eskatu den, edo kasuan kasu, zenbat jaso den.
- d) Artikulu honetan zerrendatutako dokumentu eta datuez gain, Udalak, kasu zehatz bakoitzari jaramon egiteko beste dokumentu osagarri batzuk eskatu ahal izango dizkio eskatzaileari, aurkeztutako proiektua osorik baloratzeko egokitzat jotzen badu.
- e) Eskatutako dokumentuak jada Udalak badauzka, eskatzaileak horiek ez aurkezteko eskubidea erabili ahal izango du, baldin eta aurkeztu zireneko prozedura amaitu zenetik bost urte baino gehiago igaro ez badira. Noiz eta zein organo edo bulegotan aurkeztu edo egin ziren jarri beharko da.
- Oinarri hauetan, salbuespen gisa, onartu egingo da agiri jakin batzuen ordezkatzailearen erantzukizun-adierazpena izateko aurreikuspena ezartzea. Hala deanean, diru-laguntza emateko erabaki proposamena egin baino lehen, adierazpen horrek dakartzan datuak egiaztatzen dituen dokumentazioa gehienez hamabost eguneko epean aurkezteko eskatu beharko da.
- f) Eskabideak Oinarri hauetan ezarritako betekizun guztiak betetzen ez baditu, eskumena duen organoak interesdunari agindeia egingo dio, akatsa zuzen dezan. Horretarako gehienez ere hamar eguneko epe luzaezina izango du, eta honako ohar hau egingo zaio: hori egin ezean, eskaerari uko egin diola ulertuko da, ebazpena eman ondoren, 39/2015 Legearen 68. artikuluan aurreikusita dagoen bezala.
- g) Eskumena duen organoak diru-laguntzen gehieneko zenbateko osoa hainbanatuko du diru-laguntzen onuradunen artean.

**Laugarrena. — Baloratzeko irizpideak**

Eskatzaileari dagokionez: (gehienez 25 puntu):

- a) Erakundearen programak jasotzen dituzten Igorreko pertsonen kopurua (gehienez 15 puntu).
- b) Beste erakundeen finantzazio-bideetara jotzeko eragozpenen zailtasunen akreditazioa eta erakundearen baliabide ekonomikoak, eskatutako dirulaguntzaren arabera (gehienez 10 puntu).

Egitarauari dagokionez: (gehienez 75 puntu):

- a) Jarduera edo egitarauak Euskararekiko duen aldeko tratamendua eta eragina (gehienez 20 puntu).
- b) Jarduerak gizartearen aldetik kalitatea, interesa eta oihartzunik duen (gehienez 40 puntu).
- c) Jarduerak gizonen eta emakumeen arteko berdintasunaren sustapenean eragirik duen (gehienez 15 puntu).

\* Hizkuntza irizpidei dagokionez aurreko baldintzak orokorrak dira. Honez gain, Euskera ordenantzetan ezarrita dagoena bete beharko da.

Proiektu bakoitza dagokion arlo edo sailak osorik baloratuko du. Hark aholkua eskatu ahal izango die egokitzat jotzen dituen pertsona edo erakundeei.

**Bosgarrena. — Bideratu eta ebaztea**

- a) Oinarri berezi hauetan bildutako laguntzak emateko organo instruktorea Gizarte Zerbitzuetako Zuzendaritzak Gizarte ongizateko teknikariak bideratuko ditu.
- b) Ebazteko proposamena emateko eskumena duen organoa arloko Batzorde Informatzailea. izango da.
- c) Ebazpena emateko organo eskuduna Alkatea edo Udalbatza Osoa da.

Ebazteko eta jakinarazteko gehieneko epea HIRU hilabete da. Epea zenbatuko da deialdi egokia argitaratzen denetik aurrera, baldin eta deialdiak bere ondoreak geroagoko egun baterako atzeratzen ez baditu.

Publizitatea egiteko, ebazpena argitaratuko da iragarki-oholean eta, era berean, horren zati bat argitaratuko da Bizkaiko Aldizkari Ofizialean.

Diru-laguntza emateaz batera amaituko da administrazio bidea.

Ebazpena jakinarazi gabe gehieneko epea mugaeguneratzen bada, interesdunek emakidaren eskabidea administrazioaren isiltasunaren bitartez gaitzetsi dela ulertu ahal izango dute.

**Seigarrena. — Diru-laguntzaren zenbatekoa**

Igorrelgorreko Udaleko Aurrekontuetako ataletan dagoen kreditua erabiliko da diru laguntza hauek ordaintzeko.

- Eskatutako zenbatekoan ehuneko jakin bat aplikatuz aterako den diru-kopurua izango da diru-laguntza. 5. artikuluan azaldutako irizpideei jaramon eginez lortutako puntuazioa izango da ehuneko hori.
- Jarduerak diruz laguntzeko zenbateko osoa ez da izango jarduera horietarako aurkeztutako aurrekontu osoaren %80 baino handiagoa.
- Diru-laguntzak beste erakunde publiko nahiz pribatuk xede horrexetarako ematen dituztenekin bateratu ahal izango dira, baina inola ere ez da egongo behar baino gehiagoko finantziatorik; hau da, beste erakunde batzuen diru-laguntzekin batuta, diru-laguntzak ezin du gainditu jardueraren kostu osoa.
- Diru-laguntzak batzean behar baino gehiagoko finantziazioa gertatuz gero, onuradunak itzuli beharko du Igorrelgorreko Udalak emandako zenbatekoa, finantzatutako kopuru osoaren gainean berak emandako kopuruaren arabera.

**Zazpigarrena. — Aurrekontuko zuzkidura**

Aurrekontu-zainpeketaren zenbatekoa guztira 1.300 eurokoa da. Zenbateko hori udalak handitu dezake diru-laguntzen emakida ebatzi aurretik.

*Datuen babesa*

Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko 2016ko apirilaren 27ko 2016/679 Erregelamenduan (EB) ezarritakoarekin bat etorrita tratatuko dira datu pertsonalak.

Tratamenduaren arduraduna Igorreko Udala da eta datuak babesteko ordezkaria, berriz, Jose Miguel Serrano jauna Torres (Assplus, S.L.) [dpd@igorre.net](mailto:dpd@igorre.net)

Tratamendu hori ahal publikoak baliatzeko eta legezko betebeharrak betetzeko egingo da, eskabidea sinaturik ematen den onespren espresua dela bide.

Datuak interesdunari edo haren ordezkariari eskatuko zaizkio, baita beste administrazio, erakunde, erregistro edo entitate publiko edo pribatu batzuei ere, legeak ezartzen dituen mugen barruan.

Lortutako datuak pertsona fisiko edo juridikoak, nortasun juridikorik ez dutenak barne (Elkarteen kasuan bertako burua izango da), esleituta dituzten jarduerak egiteko eta udal zerbitzuak mantentzeko, ematen zaizkien diru-laguntzak kudeatzeko erabiliko dira.

Datu pertsonalak legezko betebeharrak batek aginduta edo interesdunak baimena ematen duenean baino ez dira lagako. Horrez gainera, ez da aurrez ikusten hirugarren herrialdeetara edo nazioarteko erakundeetara datu-transferentziarik egitea.

Interesdunak eskubidea du bere datuetara sartzeko, datu horiek zuzentzeko eta ezabatze eskatzeko edo tratamendua mugatu edo horren aurka egiteko; horretarako idazki bat bidali behar du helbide honetara: Igorreko Udala, Elexalde kalea 1, 48140-Igorre (Bizkaia) [dpd@igorre.net](mailto:dpd@igorre.net). Bestela, Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan ezarritako edozein bide erabil dezake idazkia bidaltzeko.

Halaber, interesdunak emandako baimena kentzeko eskubidea du, baina ez dio eragingo aurretik egindako izapideen zilegitasunari.

Eskubide horietako baten bat baliatzeko aukera mugatu egin daiteke bateraezina denean botere publikoen jardunarekin edo aplikagarria den araudiaren arabera legezko betebeharrak betetzearekin.

Datu pertsonalen tratamenduari buruzko informazio zehatzagoa argitaratuko da Igorreko Udalaren egoitza elektronikoan, dagokion prozeduran.

Igorren, 2019ko abenduaren 17an. — Alkatea, Illart Gumuzio Larrazabal